



Broj/Број: 01/5-50-1-12-25/04
Sarajevo/Сарајево: 4.5.2005. godine.

Z A P I S N I K

25. sjednice Komisije za ljudska prava, imigraciju, izbjeglice i azil, održane 21.4.2005. godine, s početkom u 9,00 sati.

Sjednici Komisije prisustvovali su:

- G. Elmir Jahić, predsjedavajući Komisije,
- dr. Tihomir Gligorić, prvi zamjenik predsjedavajućeg Komisije,
- g-đa Senija Kapetanović, član Komisije,
- g-đica Mlaćo Nadžida, član Komisije,
- g-đa Marija Perkanović, član Komisije,
- g. Selim Bešliagić, član Komisije,

Sjednici nisu prisustvovali: g. Martin Raguž, prvi zamjenik predsjedavajućeg Komisije, g. Muhamed Altić, član Komisije i g-đa Ruža Sopta, član Komisije. Od gostiju, sjednici Komisije su prisustvovali Dragan Mektić, zamjenik ministra sigurnosti BiH i dr. Slobodan Nagradić, pomoćnik ministra za ljudska prava Bosne i Hercegovine.

Predsjedavajući komisije predložio je, a Komisija prihvatila slijedeći

D n e v n i r e d:

- 01. Usvajanje zapisnika 24. sjednice Komisije,**
- 02. Rasprava o Prijedlogu zakona o izmjenama i dopunama Zakona o zaštiti prava pripadnika nacionalnih manjina,**
- 03. Rasprava o Prijedlogu zakona o Službi za poslove sa strancima – postupanje po zaključku Predstavničkog doma Parlamentarne skupštine BiH broj 01-50-1-54-54/05 od 12.4.2005. godine.**
- 04. Tekuća pitanja**

Ad. – 1. Usvajanje zapisnika 24. sjednice Komisije

Nakon usvajanja dnevnog reda, predsjedavajući Komisije je predložio raspravu i izjašnjenje o zapisniku Komisije 24. sjednice. Diskusija o zapisniku nije bilo.

Kako nije bilo diskusije o zapisniku, Komisija je usvojila zapisnik 24. sjednice.

Ad. – 2. Rasprava o Prijedlogu zakona o izmjenama i dopunama Zakona o zaštiti prava pripadnika nacionalnih manjina,

U uvodnom izlaganju za tačku dnevnog reda, **predsjedavajući Komisije, g. Elmir Jahić** dao je određeni uvod. On je istakao da je grupa poslanika Predstavničkog doma Parlamentarne skupštine Bosne i Hercegovine i to: Martin Raguž, Mirsad Čeman i Selim Bešliagić dostavila Parlamentarnoj skupštini BiH 3.12.2004. godine Prijedlog zakona o izmjenama i dopunama Zakona o zaštiti prava pripadnika nacionalnih manjina (u daljnjem tekstu: Prijedlog zakona). Ustavno-pravna komisija

Predstavničkog doma Parlamentarne skupštine Bosne i Hercegovine je na 36. sjednici održanoj 16.12.2004. godine razmatrala je Prijedlog zakona i dostavila 17.12.2004. godine Mišljenje kojim je utvrdila postojanje valjanog ustavno-pravnog osnova za donošenje Zakona. Predsjedavajući Komisije je ukazao na okolnost da je Komisija u svojstvu nadležne komisije, razmatrala Prijedlog zakona na 19. sjednici održanoj 17.1.2005. godine, te nakon opće rasprave:

- a) sa pet glasova “za”, bez glasova “protiv” i jednim glasom “suzdržan” podržala principe Prijedloga zakona,
- b) donijela zaključak kojim traži od Vijeća ministara Bosne i Hercegovine da sačini svoje mišljenje o tekstu Prijedloga zakona, kao i da pribavi mišljenja entitetskih vlada i vlada kantona o obavezama koje stvara prijedlog zakona, posebno kod finansiranja obrazovanja i izdavačke djelatnosti udžbenika za nacionalne manjine.

Predsjedavajući Komisije je istakao da je Vijeće ministara Bosne i Hercegovine 12.4.2005.godine razmotrilo i prihvatilo Mišljenje koje je Ministarstvo za ljudska prava i izbjeglice dalo u vezi tumačenja Prijedloga zakona. On je konstatirao da je poslanik Momčilo Novaković uložio amandmane na Prijedlog zakona. Predložio je raspravu o Prijedlogu zakona.

U raspravi o Prijedlogu zakona učestvovali su: Serlim Bešlić, Marija Perkanović, Senija Kapetanović, dr Tihomir Gligorić, kao i predsjedavajući Komisije Elmir Jahić. Nakon opće rasprave ovih diskutanata o Prijedlogu zakona, Komisija je jednoglasno zaključila da nije potrebno mijenjati Zakon o zaštiti prava pripadnika nacionalnih manjina na način kako je predviđeno Prijedlogom zakona.

Na ovaj način, Komisija je prihvatila mišljenje Vijeća ministara BiH od 12.4.2005. godine, odnosno Ministarstva za ljudska prava i izbjeglice Bosne i Hercegovine. Komisija smatra ispravnim mišljenje iskazano od strane Ministarstva za ljudska prava i izbjeglice BiH da *“za stabilnost pravnog sistema važno je da se usvojeni zakoni ne mijenjaju bez posebnih razloga ili promjene okolnosti koje traže drugačije uređivanje odnosa u zajednici. Predloženi opseg promjena Zakona suštinski ništa ne mijenja bez posebnih razloga ili promjene okolnosti koje traže drugačije uređivanje odnosa u zajednici”*. Komisija je imala u vidu i činjenicu da je Zakon o zaštiti prava pripadnika nacionalnih manjina prije usvajanja 2003. godine razmatran od strane Venecijanske komisije i usaglašen sa mišljenjem ovog tijela. Ona smatra važnim provođenje odredbi ovog zakona, pa je donijela zaključak kojim predlaže kolegijima domova Parlamentarne skupštine BiH da odrede kriterije za osnivanje i izbor Vijeća nacionalnih manjina, kao što je predviđeno Zakonom, te ubrzaju proces njegovog osnivanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Elmira Jahića.

Ad. 3. Rasprava o Prijedlogu zakona o Službi za poslove sa strancima – postupanje po zaključku Predstavničkog doma Parlamentarne skupštine BiH broj 01-50-1-54-54/05 od 12.4.2005. godine.

Kao uvod za ovu tačku dnevnog reda, **predsjedavajući Komisije** je upoznao prisutne da je Predstavnički dom Parlamentarne skupštine BiH donio zaključak broj 01-50-1-54/05 dana 12.4.2005. godine kojim je obavezao Komisiju da ponovo razmotri Prijedlog zakona, kao i amandmane poslanika Momčila Novakovića. Stavlja na diskusiju Prijedlog zakona.

Dragan Mektić, zamjenik ministra sigurnosti BiH je istakao da amandmani poslanika Momčila Novakovića suštinski mijenjaju Prijedlog zakona, te je predložio da se o zakonu raspravlja na slijedećoj sjednici Komisije, da bi Vijeće ministara BiH adekvatno očitovalo se o amandmanima g. Novakovića.

Na prijedlog Dragana Mektića, predsjedavajući Komisije je predložio da se ova tačka razmatra na slijedećoj sjednici Komisije, što su prisutni članovi Komisije jednoglasno prihvatili.

Ad. – 4. **Tekuća pitanja**

Otvarajući ovu tačku dnevnog reda, predsjedavajući Komisije je upozorio da se približava vrijeme početka sjednice Predstavničkog doma te je predložio da se završi sjednica Komisije, što su članovi komisije jednoglasno prihvatili.

Završavajući ovu tačku dnevnog reda, Komisija je završila svoju 25. sjednicu.

Sjednica je završena u 9,50 sati.

**Sastavni dio ovog zapisnika čini stenogram zapisnika kojeg je izradila
Zajednička služba Parlamentarne skupštine BiH.**

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Elmir Jahić